

寄庵詩文鈔

寄庵詩鈔序

詩有詩之教焉有詩之學焉詩之教備於三百其學之法則聖人言之詳矣思無邪學之本也授以政能達使於四方能專對學之用也興觀羣怨事父事君而多識學之益備是矣七十子之徒皆以是學而無一人有傳詩漢之世有傳詩矣不必其人傳也有傳人矣未嘗有集傳也魏晉以下則有專集有總集唐宋及今作者益廣而工者愈多世見其人可以是傳也慕之篤則學之也專辨其科品第其高下索諸神解妙悟倣終身之

精力以求之論詩者之言與作詩者之言爲書至繁多不可勝窮然而聖人所以言學者不求也學者所深求聖人未言也是其千秋離合同異正學者所當深思矣奇庵先生有詩若干篇鈔爲一書使象津厚之先生於詩第寄焉爾津則直不能詩其源流何人系出何家不能明也於大家名家正宗接武當在何品亦不能知也而先生詩之有本則實能知之先生行已敬恕而居官廉慈是其情性然也披其詩有歡愉之音焉有怫鬱之音焉其所愉悦其與所性合者也所拂拂其與所性違

者也或遠言之或切言之或寄托言之不越斯旨矣惟其所學以聖人之教爲本而有其情性故其爲詩或憂或樂又足以爲教也嘗謂千百世不能無人千百世人不能無性情卽千百世不能無詩然而筆墨言語之工如異蝶金粉奇鳥宮商非不美也何與聖人之大道天下事弊窮則必有所變變窮則必有所返禮弊於周賦弊於漢四六弊於齊梁陳隋八股弊於今日皆失其本而苦其繁且多也惟詩之流最遠然如今世人所求作者論者已不可窮上下計之不及三百年當必有所返

矣奚假三百年更百年後必有豫見其端而顯識其勢者始信斯言之不謨然後真知先生之詩之所以可傳以其人非世之詩人故其爲詩非世人之詩也嘉慶癸亥三月六日濟南新城張象津序

古詩三百篇大道備風雅末俗棄詩教小言笑嵬瑣指
歸示麗則迷塗戒淫冶漢魏盛文章齊梁空土苴平生
談執家韓子言非頗振衰起李杜曲高和弥寡自茲迄
宋明才智亦良夥格律與意興闢一復不可亦知竟陵
輕何必空同假謗傷聽羣兒袒呂毋乃左文獻徵西南
張舍李元陽聲已夏吾師今昌黎有名在天下詩書為
駒蘖性情自陶寫得味殊酸鹹絕學堅負荷或古如莖
英或典如璵筆粹如揀金沙華如佩玉儼神光電睭睭
奇采星侈哆溟涬入飛動章句極貼妥譬諸江漢流餘

皇駕高舸元氣為之舟動搖微風拖河源問星宿狂瀾
障淮泗絳帷示瓊編題辭爰命我崇山仰門牆傳薪媿
爝火西風卷簾旌秋色淨蕭灑天空涼月明花落夜燈
焰讀久更漏寐再三不能捨昔聞宋楊時粹言實緝補
叶聰講席舉比雪深侍暝坐又聞唐李漢師說勔勿墮
舊本識韓文奕載相傳播太華山宇高昆明水波瀉哲
人同古今俗子但么麼不朽信立言羲娥煥媿何以
贊高深釣天奏廣野

門人戴恩詔呈稿

寄菴詩鈔

一卷古今體詩八十七首

二卷古今體詩五十九首

三卷古今體詩四十八首

四卷古今體詩四十八首

五卷古今體詩一百二十一首

六卷古今體詩六十三首

七卷古今體詩一百三首

八卷古今體詩五十一首

其五百八十首

劉青天傳

劉青天者名大紳字寄菴滇之寧州人以乾隆壬辰仕吾東吾東服其德稱爲劉青天云初令曹單二縣二縣固吾東財賦鄉公旣至民無羨稅大吏過境至不能搞從者大吏檄公代長山令漕將以困公民聞公至担负相屬於路不數日漕畢又檄公令新城又檄公攝朝城篆舊令有疑獄公未能決以是劾公候部議公善書又長於詩是時待罪厯下邑人聞公將去求書者盈門公日爲書墨數斗紙數百暇則與士大夫泊舟湖際鵠華

山色遠映水面芰荷蘆港漁歌欸乃胸中浩然恬適之趣盡寓之於詩初不知身之將遣也及部議下當流公卽日就道曹單民釀金饋贐公辭委之車中行過某地河決公盡用以濟溺民未及流所新城曹單民復釀金贐公還嘉慶間河南撫陳公大文移鎮東來舉廢吏之賢者公爲首公至陳以憂去新撫授公冠縣冠多逋賦公下車月餘復詣省垣辭職父老隨之請公回公謂父老曰父母無不愛子子或違教如父母何父老顧首謝乃允其請土豪某積賦不奉命公以巡稼過其里招之

東曰爾適無錢耶曰然則代爲償之至秋復使人謂之曰爾又無錢耶曰然復典衣代償之某感愧終身無欠賦公在東久知終不合於時欲棄官去大吏舉公卓異遷武定軍屬因以疾辭士良送者兩泣皆呼青天

論曰己未庚申間先君以候補教諭歸次省垣與人稱相契先君問公施何德於民而民情如是公笑而不答臨別贈先君草書十一幅各卷詩稿一函草書潑墨淋漓至今猶新余讀每嘗歎久詩曰刻有兒童壓歲錢嗚呼有以也夫

山東劉鴻翱次白學

寄庵詩鈔一

寧州劉大紳

瓊漿

東山一石罅濶五寸餘深六倍之有水旱澇不涸溢以瓢側酌之隨取隨盈余八萃雲山道經過訪而飲之其味清冽殆如上池之水非人間中冷泉輩可比也因錫以名曰瓊漿暇日爲賦

短歌一章

世上多名山我獨萃雲去中道偶然渴墮與瓊漿遇以

戊申

手掬在口味乃如甘露祇恐後來人欲飲不知處

答客問山中

曾爲山中客記得山中路曲折清溪間轉入雲深處門前有桃花屋後有梅樹今日梅花落君看桃花去

新田山房

山中一夜眠衾冷幾回寤不是春猶寒人間清絕處

獨坐

靜如退院僧巾履散不著樹影移空階蟬聲止復作微風動疎簾殘雲度高閣所思適不來杯酒聊獨酌

菊影

斗室餘叢菊經冬尙未殘半窓孤月淡四壁一燈寒愛此花無敵能如影亦難似將陶處士移向畫圖看

還山

春風一病得歸山北馬南船計日還滿載圖書珍土物
相依琴鶴破愁顏長途旅館從容睡細字官銜任意刪
留得本來真面目清風明月袖纏綿

秋谷因題

泰山東下到高樓樓上人非第二流絢爛大名爭附熱

蕭條深谷自悲秋當軒尺水魚龍遠繞屋層巒薜荔稠
幾卷飴山詩集在光芒夜夜燭滄洲

上女郎山

山爲玉陽子得道處有李中麓施愚山題詠

東行無所適且上女郎山詞客曾吟處仙人此閉關
高松子碧殿古蘚花斑半日堪游行何須出世間

晨訪王子文秋水亭

朝烟上石橋宿雲停高樹一夜不見君凌晨到君處
在秋水亭詩如輞川墅南望有商山相約採芝去

晚歸

尙嫌歸興早緩步更清歌北去秋山盡西來返照多牛
羊前嶺下鳥雀遠林過莫訝投村晚登臨復幾何

登撫山樓

舉足凌高樓天風相蕩佚逡巡垂二分陋彼雙股栗下
視層山巔飛鳥籠際出方知塵寰中有如處補虱達士
能曠觀不徒閉幽室浩歌頻搔首長吟亦抱膝天上自
有人問之語終密

騎驢

一秋車馬倦驥背趁斜陽短草經蹄淺高風掠耳長行

遲詩已就路近醉何妨況是鄉村外不逢京兆郎

和王子文見憶

乍得相逢酒半溫旋聞父老已迎門
蕭蕭野徑無三里淡淡斜陽又一村
湖水烟寒行鼓棹籬花秋老且停轍
詩人悵望登臨處無數飛鴉下曠原

由呂家埠至滑溝舟中作

細細烟中沙渚微深深水底鯉魚肥
一羣花鶲知人意不背船頭各自飛

贈于滄巖

當歌仰視霜月寒誰道人間行路難五斗功名一石酒
東山才子西江官得失榮枯如逝水老至不歸胡爲爾
却笑七十鬢毛蒼猶爲聞鶴夜半起

格孫城

白日蕩平林寒風振古瓦格孫何代城零落委荒野松
柏餘古邱耕犁及廢社感此多悲懷流水自西下

題李欽符雙檜軒

一檜竦直千烟霄一檜盤鬱離塵囂千林萬樹自零落
雙檜已將百年遙紹興老人八十一習靜中間閉幽室

愛憐不教牛羊傷閱歷任從風霜疾老人自言年少日
庭軒離立如人強老人今老樹亦老大椿未足論短長
直者其材爲世用王侯第宅資樸棟曲者不材能自全
匠石遇之弗見重未識老人意若何年年歲歲相婆娑
莊周肯作欺人語材不材間所獲多

雪

客路殊無賴前村訪戴安輕雲生隴首大雪落簷端深
巷餘車轍清江一釣竿西山空有約登眺阻高寒

留別王子文

已盡湖山興蕭然萬里行於人多有負在汝竟何成遠
送今宵淚相思異日情歌詩非率爾吾亦愛吾名

時了文爲

賦毛詩數章

伯兄晉庵南歸計程已在漢水舟中矣賦寄

幾向春風折柳枝君歸今日已遲遲遙憐漢水孤舟夜
尚憶南山獨臥時貴鶴樓中漫作賦清溪洞底好吟詩
還家老母如相問爲道平安勿更疑

詩南山朝齊

數日寒甚憶伯兄晉庵

阿弟南歸時炎炎日如炙阿兄復南歸萋萋草未碧朝

來猶負暄忽驚暮雪積寒氣侵肌膚降階足蹠躡我處
重屋中厚被擁一尺試問孤客舟何能煖片席人生貴
安居胡爲遠作客石田雖無收饑寒亦不迫有母依高
堂東南盼望隔阿弟如早歸庶可慰晨夕我今還後期
阿兄正行役歡樂易以肥悲憂易以瘠亦知憂傷人遺
之寶無羨美酒沽十千取醉聊自適

宿韓化南習靜軒

邃字深重重中有習靜處夜半無人聲花香自來去

客單父石完璞孫嵩峰張致祥少敬軒兄弟見過

西望南華是舊遊當年倣更說莊周升沈於我如蕉鹿
得失從人應馬牛豈有豐碑仍在口但看矮屋已低頭
諸君一種相思處風雨泥塗倦未休

賦輸棋

忽聽人家唱凱歌紛紛車馬盡蹉跎傷心一卒勤王意
獨自臨危呼渡河

畦山亭晚步懷趙翔漢

畫家留粉本在此夕陽前籬落明秋水亭軒送暮蟬沈
沈高樹影淡淡小山烟子固歸何處瞻望舊日船

風雨

己酉六月三十日開窓納涼始散帙忽聞萬馬空中嘶
半天晦暗色如漆電鞭過處雷鼓從雲氣欲墮嵩華峰
頃刻東南大雨注如黃河瀉聲洶洶蛟龍乘勢嘯徒衆
鬼怪神靈互相送前村茅屋捲上天愚民潛伏不敢動
朝來起視天宇清依然禽鳥皆歡聲甘雨慶雲自可樂
無爲震怒驚羣生

晚夏

牙籤玉軸上塵埃老眼朦朧更開馴鶴不飛松子落

前村有客抱琴來

千章夏木早涼生修竹叢中屋數楹記取蕭蕭今夜雨
芭蕉葉上作秋聲

七夕

填橋鵲羽恨飛遲天上星辰久別離畢竟銀河容易渡
一年一次慰相思

秋蝶

回首園林春事非展鬚垂翅與心違深深記得穿花見
冉冉驚從落葉飛蘭不當門香故在菊猶存徑露初晞

腰肢舊日相憐瘦莫怨秋風褪粉衣

和龐仁表岱岱觀日出

半夜天門擁虎羈憑凌絕頂攬雄奇雲排山石氣昏暗
日破海濤光陸離不瞞眼空齊魯界如椽筆抹漢唐碑
昔年我亦曾三宿似此高狂未易追

綠玉菊歌

昔有仙人朱孺子采菊玉笥山上頭服之身輕入蓬島
千年重向人間遊手持九節綠玉杖上有瑤函不可求
一朝痛飲黃河曲寒香晚花豁倦眸林園二百四十種

四顧嘆其名盡浮仙人去後杖擲地今年一樹開深秋
短歌微吟正夜半起視霜月當高樓

東臯園晚眺

眺望今何晚山林興不違人從虛市返鳥背夕陽飛迥
野低平楚前峰落翠微無爲羞日暮歸去臥牛衣

劉聲宏贈詩

忽訝雙魚尺素傳夜明珠子走盤圓歸裝此去誇鄉里
又得曹風十一篇

謝袁世符贈板橋畫松

山中野人種松樹跨巖架壑不知數朝看空谷皆龍蛇
夜聽虛簷有風雨板橋何日揮秃毫逕丈其勢參天高
緘縢不放通靈去猶能枕上飛秋濤袁生寶此四十載
朝歌暮舞忘凍餒黃河岸決水滔滔田廬蕩盡喜松在
去年持贈荒城隅似挾畢宏韋偃俱我無杜甫好詩句
縱然神妙空嗟吁載歸張之舊茅屋千林萬樹讓此獨
報詩今已遲年餘偃蹇難於賦衆木

石鷹歌

天陰殺氣滿穹屋野狐竄奔鴟驚伏平原萬里皆秋風

石鷹何年出幽谷
頂毛如角喙如鉤
雙睛炯炯顧視
深山曠野凡鳥多不飛不鳴意何屬
豈是百中羞爭能
天生神武在不羈
蹤蹕幾許矜成功
盡是卵殼羽毛族
虞人獵馬張弓弦
風生火出競馳逐
嗚乎石鷹鷹不如
紛紛逞強食弱肉

贈白家僕

詩人酒客盡狂夫
有此鬚頭赤足無殘雪
梅邊如作畫
試添驢後背花奴

水仙花

清泉白石夜凝香六出亭亭冰雪光一彌月明人不見
江干無際水茫茫

黃河南岸賦別諸故人

看君南望復傷神予亦泣痕無舊新最苦黃河春水淺
烟波不隔送行人

謁禹廟擬題壁

洪河河伯不仁哉濁浪滔滔不可迴後代疎虞沈白馬
先人隱痛化黃能八年底績懸壺過萬古安流杭葦來
偏是忠臣孤憤在臨危呼渡自悲哀

朱亥里

朱亥尋常鼓刀人
公子好客不爲賓
袖中錐出將軍死
眼底早已無強秦
至今人唱當日里
乃知英雄在屠市
毛錐馮鉞胡爲平
荆卿提劍過易水

和答諸子汴梁城送別

長亭折柳自嫌疏
送過黃河百里餘
坐月中宵同聽雁
看碑古寺共騎驢
三春花鳥迎歸路
兩字平安待報書
南望鄉園今漸近
不須天末更愁余

南陽臥龍岡謁武侯祠

晨登南陽廬日入還倚徙
緬懷諸葛君涕泣不能已躬
耕吟梁父直將農夫耳昭烈三顧之馳驅爲漢死堂堂
出師表丞相行其是萬古隴畝間惟可莘野儻今來多
荷鉏繫誰真名士

哭沈龍山

一代風流盡千秋亦感傷斯人原不偶於我最難忘萬
卷歸何所一編聊復藏龍山新塚合鴉影對斜陽

曉起

曉起月在嶺照見竹間露山鳥不知寒啼聲出遠樹

寓大新橋僧寺

山僧喜靜默對之如獨處半日無言說空中有鈴語

遊黃花山寺

羣山力相軋到此亦無爭樓閣空中出烟雲濶處行細
泉涵曉色老樹作秋聲不待黃花發超然已忘情

過王舍莊弔李滄溟

雖華山色峙秋陰白雪高樓不可尋一代才名爭頬首
百年訾議少平心已無通子愁難盡未嫁樊姬恨轉深
祇惜回溟真國士如何中道棄遺簪

遊龍洞戲題

晝向名山遊日與名山謀夜傍名山宿神與名山逐名
山亦喜我輩狂登峰探穴恣飛揚精神意氣發光怪長
歌短吟各擅長我聞世上有畫史解衣磅礴得妙理願
將我輩五六人置之丹崖翠壑裏九月清寒披羊裘負
薪拾金羞名流山麓三間草亭子容我中間賦窮愁秋
水詩人露兩肘跣足聳肩不义手宜在夕陽紅葉間右
丞襄陽是尙友吾弟吾兒樂何如吾弟雅雅兒魚魚青
泉白石登山路貌此兩人騎蹇驢其餘一人囊負背詩

草縱橫納其內一人大匏跨腰間磊磊落落無俗態山
僧或寫禹穴中喃喃毒語咒蟄龍幽禽野鳥無彈射飛
鳴宿食狀從容獨有濟南好名士意匠經營何所礙百
尺巖上有高亭氣度襟懷差相似如此一一傳其神今
人或可追古人祇恐丹青無好手橫塗亂抹失天真本
來面目一朝改丈夫鬚眉竟何在不如我記與我詩設
色圖障勝十倍吁嗟我思李龍眠摹得蘇髯並米顛畫
師有數不可遇吾徒胡爲後百年

佛峪

半生愛遊山山靈不我怒禹穴興旣終佛峪意所慕提携到山巔僧居伴雲住登高嘯秋風倚石觀瀑布勝遊安可窮神仙杳難遇吁嗟此山中大儒讀書處窮巖有幽泉一勺涓涓汪旁鐫林汲名天壤久已著乃知地與人相成莫相誤不見鈐山堂過之無人顧以此深自省行藏安吾素落日山房中第看紅葉樹

謁鐵公祠

鐵公祠畔築高臺夜夜遊人載酒來橫笛短簫空有恨秋風落日獨生哀艱難已是前朝事險阻終憐濟世才

千古英雄同灑淚湖山好句不須裁

遊歷下亭

一帆曾經此地遊湖光月影共悠悠輕帆短楫重呼渡
衰柳斜陽又倚樓海右古亭餘敗瓦濟南名士幾荒邱
詩家誰續漁洋社悵望西風水北流

感秋

宿雨寒侵酒力微蘆花空學薄棉飛空山短褐吾將老
多少蒼生未授衣

脫却輕裘付酒家當年意氣亦豪奢山中不養紅麌蘭

莫愁霜辰尚著紗

老將

刀瘢隱隱箭痕多
百戰歸來志未磨
若輩封侯如李蔡
當年薦士只蕭何
燈前拔劍星光動
醉後張弦鳥影過
舊騎悵聞金鼓響
據鞍還憶老廉頗

對棋

暑氣收高閣
棋聲出小几
進退無矜心
後先得妙理
厥初幾忘言
悄然但著子
繼乃發長嘯
勢欲拍案起
正如吟詩人
詩成忽狂喜
一局既已終
寸心復如水
徐徐下

庭階樹影移日晷

白秋海棠

紅紫春深作雨飛
清秋庭院玉人歸
珊瑚一副神仙骨
不向風塵卸白衣

懷東臯園舊遊

隱隱星河沒畫欄
美人千里共追歡
二更絲竹催新詠
一載園林住舊官
此日愁思強自慰
他年遠去恨無端
始知情是相忘好
每到深時賦別難

王子文至自都中

三月長安覩物華一朝風雨返輕車問君何事歸來早
秋水亭前看藕花

寄石完璞

餞別青春曉懷思亦已秋風聲來木葉星影入河流種
菊時開徑抄書不下樓無端聞病臥有托興悠悠

中秋對月

空庭露坐夜生寒落葉飛鴉點畫闌處世亦知人臃腫
離家又見月團圓半生情向愁中寄萬里光分醉後看
一曲霓裳何處聽仙風吹送白雲端

出門

半夜聞鷄鳴孤燈坐待曙開門
視天色涼月在庭樹

題徐西溪作一耦一葉二圖

太華峰頭仙路賒君曾衣袖染烟霞
携來玉井如船耦不少亭亭十丈花

九月風霜湖水寒夕陽留客倚闌干采蓮兒女歸船遠
剩有蕭蕭一葉看

菊影

黃花秋晚清於鶴素影宵分寂似僧面壁相看人不寐

書帷淡淡短檠燈

吳耳山過

就臥鐘爲度喧傳有客尋故人驚別久鄉語忘更深落
月辭高樹棲鴉戀舊林羨君歸去好慚愧再來心

除夕

乘除相間已悽然此夕何緣又客邊祀寵一家翻兩地
思鄉萬里只孤懸博來朋友宜春帖剩有兒童壓歲錢
好是明朝堪笑處新年錯認是今年

客至

三年不見故鄉人
名刺裁通便可親
細說家常過夜半
翻疑消息未全真

求雨歌

上天愛人甚愛雨下民求天直求父創匍呼號得所怙
天如不雨必天怒下之罪難擢髮數蒼蒼何遽不如古
雨日以十風以五胡爲縱慙如縱虎頃刻濃雲布大宇
霑霈萬里無乾土老農扶犁式歌舞嘉禾良苗任携取
不用桔槔治西圃家家吹簫且擊鼓準備羔羊賽田祖
田祖有神不我吐耕牛在野犬在戶我亦分俸築花塢

賦就新詩醉宿酷大笑登壇法士賭咒水禁龍太狂瞽

宿齊河答朱敎人

一醉酣眠到五更牆桑樹底曉鶴鳴臣心慷慨揮戈日
子舍酸辛捧檄情濟水東流終不改年年邦相驚
秋風秋雨長亭外爲賦從軍壯北征

莫州阻水寄朱敎人

燕山未到已心驚夜半紛紛痛哭聲疑有鬼神沈大地
如將風雨撼荒城居人空自隨流水客子何由整去旗
此際思君無限意浮圖高處雁胥征

中秋後一夜于佛閣看月

中秋夜無日

向夕新晴賦月宜，憑闌水鏡漾淪漪。
撥開雲霧真空濶，散作烟波更陸離。
如此高樓能有幾，何人良夜不相思。
依然萬里清光在，莫恨今年望見遲。

贈李遊擊

長城萬里固山河，塞外封侯志未磨。
君自將軍宜拔戟，我原儒士亦揮戈。
弓月夜驅豺狗，毳帳霜晨載橐駝。
聖主恩深無棄物，傾囊沽酒且高歌。

贈冉敬軒

甲寅

相思踰五載入夢是今宵豈爲生魂遠翻勞死友招投
詩經點竄有句類風騷月落關山暗君歸路亦遙

臘月十五夜對月

城頭勢與遠山平高處先人見月明雪後分光偏皎潔
關前顧影自淒清一年剩有今宵滿萬感都從此際生
隱隱悲笳吹紫塞傷心不獨爲邊聲

入關行

層冰峩峩高挿天孤臣已入居庸關午日微茫北風勁
揚鞭大笑無愁顏鼻端氣作白虹吐斯須凝結鬚髯間

兩手皴僵項羞縮高張眼孔看峰巒澗底蜿蜒仄徑出
任百折並千盤昔日長城飲馬窟過之不復悲辛酸
盛世功高禹績遠我

皇澤厚湯網寬急返滇南告阿母癡兒萬里今生還

贈王蘭畹董竹溪二孝廉

王郎矯矯雲中龍當霄吐氣飛白虹長安人海時自雄
天下健者惟董公蹠天躋地羞庸庸高巖巨壑生松風
二子論文非苟同炯然各具雙青瞳新城秀水兩宗工
南施北宋爭雲從四家幾欲千古空後生小子多惛惻

偏將腐草喚祝融此如人已登岱峰我猶侈口談東蒙
吁嗟菲薄真何衷師門弟子身可終安能糞壤汚鴻蒙
近覩二子開心胸其光奕奕聲隆隆人間得此如駈蛩
何當鞭石東海東相携大醉蓬萊宮慎無笑我心有蓬

聞蟬

搗衣砧罷劇堪憐秋柳聲中集暮蟬幸不榮枯驚末路
偏當哀樂感中年連宵歷歷聞蛩後一樹蕭蕭到雁先
莫更撫琴彈別調征人祇此已悽然

答新城諸先生贈別

此日還鄉夢亦安銷魂不奈別離難山亭人勸雨中酒
野館客加燈下餐帆挂秋風江月冷鞭搖落日驛烟
多情盡入相思處歸去何能獨自寬

遊大明湖

湖邊盡說好樓臺湖上飛帆日幾回解識秋風今厭客
船頭不載外人來

不擾沙鷗與錦鱗雲容水態淨無塵後船題扇前船畫
盡是湖中半醉人

山色空青水色藍涪翁瀟洒亦曾諳平生未到江南地

祇信娛人是濟南

落日城頭已半銜涼風颯颯動輕衫繫船仍是亭前樹
昨日詩人少雨帆

時雨帆未至

輕霞捲盡淡烟消歸去雙雙櫓漫搖熟逕不煩新月照
燈前認是鵲華橋

重登泰山道中作

泉響松聲萬壑虛名山得味勝於初因知好境重來處
似讀平生已見畫齊魯曾經空眼界星辰此去攬衣裾
顧前不用頻回馬盤道逍遙興有餘

中秋夜止野店中

祇此中秋月悽然萬里情故鄉同一望遠道獨三更何
况無家釀兼之念友生陰蟲偏切切似與觸悲鳴

重至東臯園

一路秋風柿葉肥泥塗不厭濕人衣曾經謫戍翻如寵
亦只來遊却似歸猿鶴馴時魂夢穩主賓忘處應酬稀
高春尙許幽齋臥門外烏鵲作陣飛

留別曹縣諸故人

村村投轄見交情遊興無端昨夜生濁水牛潭通曉苑

華山一角上秋城高樓晚笛鳴欄聽古寺殘雲襯地行
待入平陵流寓傳循良此地舊遺名

借車引

羣公揚揚策駿馬見我城門不肯下崔生聞之時愀然
君今老矣何爲者我車旣輕我馬肥我御手與心不違
泰山之陽汶水下秋風落日如驅飛朝余汶水夕梁父
廻翔鴻雁日當午半年破帽騎蹇驢一時軒豁見眉宇
道旁不少徒行人羨我遲暮停雙輪此車若得千百兩
豈有失路悲風塵吁嗟乎馮謹客上舍彈鋏不淒涼况

君意氣薄孟嘗千金傾囊直冀士萬里故人歸故鄉故
鄉天南最高處驃馬馳驅未能度老人百歲不識車偶
展左圖駭相顧自慚無才今有斯此行儘可誇小兒孰
綏且爲借車引借車之圖盍圖之

贖歸引

出關何年無入關亦時有誰知七品郎官歸贖自兩縣
百姓手官視百姓如仇讐百姓視官豈父母云何兩縣
風氣殊謫戌其官引爲咎或咀於社或祝神或聚而哭
或狂走或欲慷慨三公陳或欲匍匐九閭叩其小人曰

必歸公公不卽歸我顏厚其君子曰必歸公公之歸也
義不苟方今天子真聖人仁慈聰明本天牖公有
祖母年及耄公有母氏亦多壽若公之子以情聞公不

當歸衆人後錢贖之說古有之

國典公誼兩無負

龜卜筮卜卜吉同衆乃唯唯不否否青錢早信輸乞兒
白璧不煩待良友風霜奔走皮膚皴道路哀號面目醜
萬千人心同一心長安市上嘆未有春風策馬居庸還
關內依依曳楊柳繪圖題句盈篋多其榮乃與使相耦
回首一官值幾何天之玉成意非偶於今歸來月八九

處處家家進鷄酒深閨兒女無所知徃事言之尙疾首
自愧無德何以堪作此詩焉志永久誰與兩縣新城曹
誰與贖者一窮叟

王鏡沚邀飲漪園

風負名園諾今從好友過門前流水細樓上夕陽多酒
望新搘曳詩人舊嘯歌百年悲往事不醉復如何圓舊爲漁

洋漫亭聖輿子
青諸人觴詠地

試灌纓泉

七十二泉水酌來多腐陳如斯方至味不解定粗人妙

在回時美全從澹處真未妨享苦勞祇用慎勞薪

寄庵詩鈔二
丙辰丁巳

寧州劉大紳

臨河畱別

未盡離亭酒飛帆又渡河相思似春水有恨托微波

韋映輝送至漢口臨別賦詩

河水揚帆疾隼如悠悠漢廣久躊躇滿船風雨兵戈後
二月饑寒患難餘報友頻看新鑄劍累人積恨舊藏書
南來聞有平安信歸語諸君得遂初

白雲洞

丙辰

鶴背笙簧隔嶺聞，峰頭靉靆杳難分。
朝來恐礙看山眼，已借天風捲白雲。

玉泉山寺夜坐

暫共幽人此閉關，月光冉冉出林間。
不知今夜寒潭水，流到山前第幾灣。

追和萬飛泉

醉舞草堂時憶山，山中甚樂況生還。
同知六國黃金印，輸與萊衣五色斑。

今雨門前不昔如，相思重檢舊時書。
天邊一片飛鴻影，

尙逐秋風到草廬

贈徐南村太守

皂蓋朱幡郡大夫南來此地
翫分符始知儒雅風猶古
不信循良道竟孤鶴籠開遲
花爛漫印床封久篆模糊
焚香滌硯皆公事爲問門前有客無

閑居

朝暮鹽鹽莫漫嗟不妨長作老農家
山妻亦是安貧婦自荷長鉏學種瓜

出遊

百年過已半。錦牋老。閑身止。水清留客空。山響應人仙。
輸雞犬。擗歌讓牧樵。眞日暮。天將雨。歸妨塾角巾。

友人招飲慈光寺

好友相招不待秋。萬松深處共登樓。病無捷足山疑遠。
老有閑情地轉幽。雲氣欲沈花影碎。風聲初歇鳥音柔。
情深又訂重來約。滿院天香一袖收。

偶吟

游蜂戲蝶散。花枝枝上清陰午。漸移飲酒易。悲成老境。
讀書欲睡近兒時。窮愁骨相封。侯遠疎懶心情謝。客宜

治世久寬文字禁不知何事減吟詩

挽汪茂源二首

木床蒲席臥癯儒久病人皆笑大愚貧是命仇醫不問
德非身累鬼相呼中郎有女同憐小伯道無兒自恨孤
曾讀莊生齊物論悅生惡死豈吾徒

垂死尙爲三日約更生欲結百年隣藥無參末空相饋
歌異瓊瑰只湧陳珣壅難忘仙籍共蓋棺任受俗儒嗔
人間天上差相似幾帝容君作外臣

勿軒座上短歌

勿軒飲我酒我爲勿軒歌來日苦少去日多天生我輩
將若何我欲東去問羲和魯陽胡爲揮長戈又欲西來
問青鳥王母底事髮蟠蟠封豕長蛇已可厭蠻觸尙爾
仇則那請看北邙冢纍纍生前車馬誰復過有酒且共
故人飲花閒月下相婆娑月圓不四五花開莫蹉跎此
生安得長年少軍政行酒聽君苛但願醉中舌不出長
教醉後顏微酡漢高是天子人甘受綢羅灌夫爲廢侯
一罵盡怒訶何況眼前儘堪白不如屢舞任僕僕勿軒
顧我飲且笑床頭早已空白醞百年歲月真如梭白日

餘光欲盡處溪邊耿耿看纖阿

荒園對菊

種菊以不脫葉爲佳
今秋雨多葉盡脫矣

病臥城中似空谷偃蹇尙餘宅邊菊秋風落落秋雨多
不是幽人不入目典衣薄暮治酒尊醉見月落黃金盆
縱敎枝葉都芟盡未妨大節歸然存春花近人秋花遠
別有胸懷自繆縗莫與皮相論妍媸歌鳳狂客去恨晚

五言聳張金門

對酒避俗客栽花嫉惡草吾子能讀書憂憂自獨造惜哉無古今一例欲推倒當其氣所激怒罵如罪討剪滅

就朝食男兒素所抱人世聾瞶多誰復辨醜好是非太
分明毋乃取煩惱我亦癡狂人舉觴望晴昊未信鱗甲
平不敢雌黃早默默天地間養生固有道子且飲醇醪
萬感盡從掃春蘭秋菊間吾與子終老

八月十七夜對月

明月勸汝一杯酒今夕清光如昨不人生相對須盡歡
誰肯金樽暫釋手邇來戶小羞對人倒吐車茵亦時有
生希甕側容酣眠死願陶前得速朽况此露白風清時
河漢無聲失星斗如何不飲令人悲坐看西山玉兔走

乘醉欲上廣寒宮逕問當年后羿婦可能餘藥留贈人
願乞一丸爲我壽

籬間遲同人小飲未至以詩速之

客在仙山第幾峰黃花今已寫秋容如何隔戶笛聲寂
祗見當軒樹影重酒味原如交味淡詩情却比宦情濃
市虛漸少人來往莫待城頭起暮鐘

重陽風雨

幾度重陽赴客愁今年好作萬松遊長橋短柳斜陽路
古寺寒蟬落葉秋不負雲山宜仗酒誰知風雨罷登樓

黃花采盡空惆悵佳節從來未易酬

張金門種田

治生無上策垂老種官田貓虎從人祭雨暘於爾愆論
交衰柳外望古夕陽邊昨日催租吏盈門橫索錢

憶翠雲山中

仙源近在此城東問道重重有逕通古刹白雲山色外
孤村黃葉樹聲中聽泉倚戶時逢雨醒酒凭牕自受風
痛哭西州今五載羊毫不是爲途窮

題董勿軒詩稿後

世上詩人那有此落筆千言頃刻耳橫摧五岳如邱陵
倒瀉銀河一杯水氣力雄健誰可當大兒老杜小兒李
眼中久已無古人何暇紛紛問俗子造物於人固有情
所予不過以糠粃精華一旦付與君不珍秘之恐非是
不見人奴望封侯東野窮愁長吉死且將跼蹐公卿間
莫據抗言天下士

望萬松山懷王聚洲先生和董勿軒

草亭於松山相間一瓜水登臨亦已疲睞懷在彼美當
日王先生讀書實於此繼冠惠文冠旦夕彈奸究直聲

在天下譏言出鄉里我昔方垂髫聞之卽髮指豈有黨籍人而肯汙國史奄人未得志公已瀕九死有明三百

年吾州一人耳後起者爲誰其在子董子

答董勿軒招飲之作

有馬烏啄瘞搖尾尾不起歎見龍文駒上坂如平坻低頭自歎息隨行未能爾龍駒廻顧之相憐復相喜耕田願並駕騁途願結軋一宵各阜櫪班鳴聲不已人類賤衰朽古道今無矣舊雨旣多悲谷風亦厚泚豈知龍駒心不願獨千里殷勤鷄黍約嗟哉吾董子

雙琴山房歌酬董勿軒

一琴冷落無七絃聲在指上不能傳一琴典却古錦囊
中宵凍裂時自傷秋聲昨夜到庭樹美人並坐彈清商
一彈再彈百靈集剛風雷雨妖魅藏梧桐葉下聲激昂
抱琴置酒酌其旁舍旃楓棘與折楊有琴未肯應侯王
有梧終當棲鳳凰世人何嘗無知已維琴與梧吾與子
過悟一草亭讀勿軒近作

交遊漸疎澗出門輒獨徃叩款柴荆間千古相下上大
壑生雄風深林發遠響古人不可作來者誰爲賞

過孫鳳藻新莊

不入深山裏豈能無客過白雲前嶺盡紅葉隔村多瘦
馬依平野蒼鷹下廣阿交遊漸衰老與子且高歌

十月十日得何勳臣山東來書作詩報之

東南相去八千里夢中往往見吾子吾子氣度超且雄
當日原嘗未有此昔我遠出居庸關風沙慘淡凋朱顏
丈夫呼號婦女泣一朝倣吏看生還明湖秋風鵲華雨
從子問交半齊魯晝與高李論雄文夜共孫吳談大武
自從折柳固山頭揚鞭挂席思悠悠大別山前漢陽樹

黃鶴樓外鷓鴣洲纍纍囊橐壓船背研猶存古書在
強弓毒矢未肯加盜賊還能恕我輩此身得向南雲歸
家慶共著老萊衣藉樹軒前客何在抱孫樓下人亦稀
去歲重陽有雁至尺素十行委曲備不是無閒作報書
江上鯉魚遠難寄醉中草草題數詩春風正試燈火時
今午開緘讀未竟笑我疎狂真不宜願因吾子告父老
一家骨肉幸完好我昔差肥今差癯酒亦能酣飯能飽
所恨豺虎荒村多愚民無地張網羅食盡牛羊到雞犬
天不生駿將柰何嗚呼吾今真老矣匡濟平時大言耳

丁巳

八

豐年不釋桑梓憂作書報君淚如水

次日復寄何勳臣兼訊蓬萊翁丹麓

何子平日不好武恂恂書生莫敢侮一朝忽得教外傳
兩臂如鐵力如虎我恨不能親見之我友書來喜欲舞
男兒既生天地間衛霍功名那足數方今黔楚猶負隅
王師所到當盡誅千金寶刀百金馬自天而下如催枯
國家救卜曾有無吾子何不身荷殳勒名畫闕本常事封侯
鑿井于百年不爲誅求豈至此昆蟲尙欲來其生困獸

何須致之死白起坑卒災逮身李廣殺降恨沒齒雲南
萬里維荒陬鄉村處處祠武侯遺營故壘起恭敬蔓菁
尙說諸葛畷強剝婦女飼戰馬戲擲嬰兒承戈矛明季
張李無人理天威何肯輕相仇可惜故人今衰老露布
竟難下馬草惟望早晚聞捷書一杯醺醺便醉倒蓬萊
進士令健不蟋蟀秋風聽不了如何不封萬戶侯海外
灰心蜉蝣島

朝上蓬萊山

朝上蓬萊山六合無纖塵仙人冠珠玉腰佩金麒麟瓊

林何鬱鬱宮闈皆白銀殘磚及敗瓦光耀驚四鄰仙人
見我笑子亦山中人琪花不勤掃帝謫南海濱收拾瓦
礫去世間能濟貧飄然不一顧笑者廻生嗔暮歸但空
手北山行負薪長鯨一千丈橫據東南津掉尾失雄劔
張目無日輪羣從幾百萬奮怒揚鬢鱗長跪告鯨魚鯨
魚寧不仁富貴與貧賤此義難具陳

有客上泰山

有客上泰山山中富竹素其字皆鳥跡上古無人註青
蓮曾得之一時尙不悟仙人甚珍惜重重屬鏽固遺以

千卷多光輝在道路下士不得見盡疑是泉布穿限爭
相求不與或勃怒鍾繇搥心胸遂發韋誕墓馬援無明
珠恐爲薏苡誤黃金餘五車仙人豈肯顧開篋君細看
茫茫走書蠹

將詣悟一草亭先簡張金門

詩情隨落葉直到草亭前魚上清江水鴉翻老樹烟短
牆宜對竹曲几好聽泉祇恐張夫子嫌人攬畫眠

紀夢

上山種松柏霜雪不敢欺下山樹桃李春雨徒榮滋桃

李尚自可荆棘非所宜昨宵倚枕臥壯心空自知夢見
古仙人爲我鞭雲螭雲螭我之馬仙人我所師俄頃到
天上不怕罡風吹螭角兩瓶酒一笑傾幾卮半醉撫星
斗欲摘光離離天鵝忽先叫日挂扶桑枝仙人舍我去
不覺淚漣漸孔邇年五十同是知非時庸愚天賦與五
千已過之黃金不可作此身將何爲

紅葉和董勿軒

朝在城頭看紅樹彩雲如向鏡中遇夕來江畔坐草亭
丹楓林外山青青何人海底沈大網挂得珊瑚逕萬丈

鐵鑄如意隨指揮擊碎亂擲此山上扶桑若木安足珍
一笑直欲摧爲薪放出火輪上霜葉作意娛我亭中人
亭中人物最瀟灑新詩償罷負酒債笑殺當年米襄陽
秋山祇作潑墨畫

石笏歌

吾州西山何平遠不作遙岑與絕巘芒鞋竹杖時來遊
一杯濁酒日日晚山間有石殊可珍細看如桓復如信
土人云是爲石笏垂帶攢之此山神天錫山神侯職崇
對揚殿陛偕三公下土庶事密於織以備遺忘名臣風

疑有平日書思字捫石強舞無一二山神禮不應唯阿
蟲文鮮蝕讀難識我聞魏公貞觀初俊物龍比退不如
其家子孫寶公笏比於珪璋與璠瑜又聞段公擊朱泚
一笏光輝照青史至今不數令公家朝罷歸來滿床第
嗚呼爾公與爾侯萬古榮辱皆自求民愚不知天上事
神兮無遺石笏羞

寤一草亭歌爲董勿軒賦

龍山詩人死已久蠹餘殘編懼速朽金門大隱不爲詩
芳瞻遠矚但蹙首若無草亭董勿軒使我何時痛飲酒

勿軒逸氣如青蓮禽中鸞鶴人中仙勿軒愁緒杜陵老
看雲步月時憂煎一醉卽書數十紙紙光芒燭天起
尙云盡是隨手成不知力索更何似宮中自古嫉美人
地上繁誰愛名士假令我贖龍山死豈知草亭有吾子
草亭昨夜詠明月碧海深沈句清絕秋山不許用白描
勿軒又向亭前賦紅葉紅葉明月原不殊一草亭耳無
處無試問駢毫綺疏裏授簡濡毫有是乎

野鷹

木落草枯霜天曉寒烟蒼蒼白日瞰不知何處來秋鷹

猛健禽中似者少盤空視下雄風生平原雉兔眼了了
惜哉所志在一飽不爲人間擊妖鳥妖鳥得意爭喧呼
聲如兒啼每呱呱白晝羣飛集大屋屋底無人敢輕逐
少婦紅裙老儒巾女巫雜沓憑鬼神公然少牢饗鐘鼓
殺鷄磔狗不足數社鬼廟樹紛雲屯神旣醉巫起舞
孤鳳南翔淚如雨

神鷹

千年老狐倚城郭鵠鷀高飛鶻鳥樂東郊獵犬不得力
人間氣色日蕭索大海長風萬里遙吹送神鷹下赤霄

赫然一怒卽文武須與六合分鸞梟去已不顧更高妙
功成受賞付一笑至今想見奮擊時雙爪未到眼先到
魯連高風不可聞公子誰是信陵君養人養鷹徒云云
神鷹之神無與羣

與故人飲酒

雨中尙有故人過今夕何能不嘯歌杯凸只嫌斟酒淺
韻寬偏喜得詩多井梧枝老添松檜蘓菊花殘補薜蘿
風味依然如舊日蓬門無事笑張羅

下龍洞

丁巳

十一

陽暮山麓二石洞上如重屋下如甕甕中顧視天光微
怪物猙獰鬼戲弄有神在上如侯王高冠大帶何煌煌
佳人並坐美如玉珠翠盈頭衣袂香孔雀屏風豹皮褥
繡幕芙蓉雙鳳凰出入乘龍驂鸞鶴恩喜戚怒無故常
長鬚赤脚不中用侍從虬髯皆怒張座後一水流洋洋
桔槔十車難度量山前瘠田幾百頃吝惜涓滴滋稻梁
衝浪翻波負盛氣欲與江河爭混茫有患者氓苦日暘
濯足其中罹不祥良醫投藥石投水撞鐘伐鼓來中堂
少年女巫知神意再拜享以柔毛羊從此水中不敢唾

降災錫福司一鄉我曾上洞恣遊覽上出重霄下入窟
有時身作蛇腹行左衝右突無不敢歸來猶恨半道止
未曾賈勇探其底似此惟當燃靈犀照之使慚逐之徒
寸魚尺龜俱不生何爲空負一洞水

石蟾蜍歌

石蟾蜍土人視爾土不如不知乃是萬古之月魄顧鬼
譖之謫下千年餘頭上嶷嶷有兩角領下八字丹所書
既不學貴人門前雙青獅百年唾溺相加遺復不學道
旁鼎屬負穹碑鐫功鏤銘多愧辭吁嗟蟾蜍空爾悲我

今置爾山房下笑問黃虬何爲者一樹碧梧影沈沈明月瑤琴知此心

母親生日恭賦

母年七十有二矣拜謝

皇天錫福祉家室圓樂

身安康縱不卽富亦足喜彩雲縹渺吹仙風金簫玉管來雲中羣仙翶翔雙鳳下明嬪昨夜當晴空再拜登堂何所祝阿母千年介景福小兒已逾知非時平生事業計已熟不願身作看財奴黃金白玉相歡娛亦不願作任俠客拔刀躍馬爭喧呼但願長作亥子飲日日高歌

夜安寢有夢不離茅茨廬東山石頭方於枕阿母一顧
一輒然人生何必拔宅升青天有子如此亦不惡與汝
優游過百年阿兄聞之却微笑亦不願汝職樞要阿母
已老諸弟貧我與仙人舊有約願二頃田種稻梁春米
如雪盛竹筐更願梅花植千樹年年此日花下晉一觴
兒孫板輿相扶將曾元綵衣粲成行使我忽憶在東國
羣黎上壽躋堂北老翁扶杖升賓筵騎竹兒童席地食
始孺後至紛如雲再拜門外頌功德當時道遠未及迎
阿母無由動顏色今朝真荷

皇天慈門闌喜氣

盈白眉與誦屏風展讀罷整容自續南山詩

憶董勿軒草亭紅葉寄張金門

草亭無錦屏天與紅葉樹仙人曾次開吞吐生雲霧清
酒招友生金烏愁遲暮歸來在眼前夢中如或遇火輪
飛海鷗照見五色露斜日下江臯赤虹奔相赴主人一
詩成燦如黃金鑄衆賓苦推敲斤斤恐傷固譬彼元鶴
毛何如丹鳳羽紅燭生光芒驚醒失奇趣故人迫饑寒
不得時同去上世衣木葉何必工織布天孫裁錦裳豈
是機上素安得好鍼線縫此遺婦孺窮簷盡生春我亦

歌五袴此事不可爲且當索好句

冬至日寄次孫仙保

朝日煖於火鵲噪中庭樹遙念我孫子半年河西去當
培栽麗春翠若青鳳羽二月花開時輕盈承曉露携汝
立花間教汝好詩句子誦我心歡不誦亦不怒汝今長
幾許記詩定無數及早當歸來與汝領少趣梧桐葉已
落芭蕉尙欲吐登樓看晚山蒼蒼橫烟霧

過宿一草亭

怪我時來此吾州一草亭平分揚子宅數擬太元經有

句吟紅葉無言對白丁
不妨千日飲醉看衆人醒

過南山下張金門種田處

吾友種田處雲山自幽迴淺淺隔一水遂與俗客梗曳
杖過小橋水清照見影紅葉如桃花飛下北山嶺

和董勿軒報楊鳳池贈端溪石硯詩

楊名淳

迤西楊鳳池迤東董勿軒萬里雲南有二子彩鸞文鶩
雙騰鸞楊家端溪一片石麝煤兔毫拒生客世間唯有
董可貽駟馬義不先拱璧今朝見此星之精鸕鷀巨眼
何青青寒潭積鐵紙束箏形影相隨在草亭

賢下明詔左掖右垣置清要拾遺補闕臣所司歛日不
負平生約有時當殿裂白麻青詞只辱學士家外國千
金索諫草姓名不獨雞林誇兒童走卒快先識唯汝硯
也與有力玳瑁裝匣翡翠嵌萬古餘香蘊殘墨聲價何
減心太平道士湫底蛟龍驚始信楊君有真賞物自可
重人非輕我家舊硯亦不俗歲久微凹磨未足恨無玉
人手纖纖金餅汲水銀河曲爲我深深添硯池細寫蜀
絹闌烏絲和君此詩君莫笑百物遭逢皆有時

吳冬秀過舍戲作

萬里長空驟鐵馬蒼鷹橫擊鳥亂下吳生昂昂從東來
一時意氣何壯哉入門長揖卽上坐鼻間呼吸生風雷
君固孱弱書生爾幾許不見乃如此前年馳馬過新城
腰弓臂劔真縱橫今秋邂逅晚江上醴筵弄兵相戲爭
君如鉅鹿恣酣戰壁上諸侯目盡眩我如房琯陳陶斜
四萬士卒無一殿安能蓄銳屯糟邱重整旗鼓上酒樓
歸來但欲掩關坐賦詩却敵爭上游問君將兵能多少
褒鄂英姿在雲表雍容俎豆爲師儒男兒封侯志未了
宮牆數仞竊亦難知有苜蓿長闌干飼秣肥大宛種

先生未可供盤餐

時吳將補學官

梅花

春風猶未到江干驢背清吟酒興闌似有人時轉孤潔
縱無花處亦高寒月來小閣悲誰語雪下空山好獨看
笑我一琴兼一鵠相思昨夜倚欄杆

吳冬秀舉子

吳生今年三十五循循宮牆佩章組微官不稱高才居
黃氣何爲見眉宇一笑示我懷中詩有子行將跨其父
仲秋之月月在西五色雲繞庭戶東鄰老人聽啼聲

西家生兒是申甫古言多累由多男又言但願愚且魯
是皆戲耳且近儒丈夫不得及身爲三公四海八荒作
霖雨此憾終須兒孫補况君足跡周寰區王侯將相半
目睹我有二子均凡庸有孫亦欲邁乃祖若不教讀五
車書便將使挽十石弩安能不文復不武年少科第策
天府作詩相賀非阿諛百里占有德星聚湯餅不與遲
試周左戈右印看雙取

晨歸

清晨足霜露常恐濡裳衣及此半輪月緩緩來柴扉

咷聲旋止家人知客歸轉悔十年別目斷孤雲飛

義鵠行

元鵠巢珠樹自惜好毛羽不飛亦不啄清唳徹元閭野
鷙何族類意欲橫相苦饑餽同長蛇利爪似猛虎不知
仙人騎竟作小鳥伍義鵠來九天見之赫然怒六翮才
一揮鷙已墮下士朝爲螻蟻食暮爲狐狸侮黃雀捕螳
螂貽笑尙千古彼昏自可憫縱死亦何補此事非傳聞
鄉村萬目睹我續義鵠行庶幾上樂府

對梅花

天雅非異人人世自隣俗羣芳故不發梅花豈願獨請
看東牆隅冉冉數竿竹

欲將花比人恨人不如玉靜後香時來淡中色自足娟
娟一片月與君共信宿

抱孫樓歌

輩廉桂館何處求空從蘿背望瀛洲先人城北買夏屋
增東向西營菟裘闊閱高門廣第宅徵歌選妓相嬉遊
陋儒蕭然守環堵抱孫娛母時登樓梧桐已是百年樹
芭蕉手種清且脩憑欄東南好山色初烟晚景囊中收

人生樂事本易足羽人豈必仍丹邱妄言黃小不解事
願上青天騎龍蚪廣寒宮中問玉兔乞取大藥將金甌
爾祖求仙二十載於今始識非良謀武皇何曾見王母
八公不洗淮南羞吾家卯金有舊業天祿高閣連雲浮
帝欲觀之遣太乙燃火夜照藜杖頭試看充棟是何物
他年長大須窮搜立功立言並不朽故里遺宅皆千秋
回思先人抱我日愴然不覺雙淚流願得長年奉母氏
看汝抱孫無所憂

牙痛

達生外其身齒牙豈金石已落二十餘再落亦不惜欲
落不落間頗足爲身厄詩成難嘯歌緘口謝嘉客所喜
舌尚存無妨廢乾腊昌黎豪傑士未免語刺刺香山真
達人棄此如陳迹辟彼韶巖年亦復奚損益委形還天
地我欲忍痛摘

寤一草亭北鄰失火及牆而止

北鄰一炬觸天起江水清深照見底鸚鵡鶴都欲逃
風圓火返及牆止千篇詩草懸屋梁皎然星月爭輝光
雕鏤肝腎帝所惜肯令六丁下取將同井聚觀額手賀

數椽湫隘如斗大鬼神何心愛文章造物尙恐妨偃臥
是時主人正遊騁上入青雲萬丈嶺俯拾斗柄挹天漿
倒窺地維看日影歸來且喜草廬存太息鄰家餘燒痕
河澤猶當潤三族樾蔭何止周一園梵歌朝昏隔壁聽
一聲木魚間金磬焦頭爛額殊足多拜佛求僧毋乃佞
書生不解師禪已嘆酒驚散神火鴉繞檻長留止水月
當軒不碍春山霞寄語趙鬼休誦賦建章柏梁古有數
屋角鴟吻紛紛多試看茅茨如鐵鑄

星雲湖覆舟弔汪童子茂源之嗣子也

戊午立春後一日

立春北風猶怒号船頭直立湖水高
神龍地逼不出入長龜大鼈翻波濤
舵公重錢輕性命落日昏黑向北榜
嗟爾行人真無辜左風右浪不能泳
前船輕羽何翩翩快意飛入海門灣
橋畔停橈賣魚膾豈知後船重於山
兩岸人如堵牆立老翁太息嫠婦泣
健兒袖手無一前綠楊空繫好舟楫
覆水九死希一生望見歸柁齊相爭
浪底疾呼山相應順風片帆自南行
星雲魚鼈喜欲舞肉肥骨瘦任吞吐
桅頭祇餘一人存到岸泣訴淚如雨
同是溺淵可憐人汪家童子情相親
纔對秋風哭老友

招魂又向春水濱羣生脩短亦時有聞道東陵獨黃蒿
禍福茫茫無人知帝闇蒼蒼何處叩

遊華蓋山

西山落日常笑人十二萬年驚飛輪山風江月互相待
勞勞送舊爭迎新我固今之有情者獨倚危欄望大野
古仙墳墓春草生上有羸兒牧瘦馬寺僧嫉客如嫉仇
庭堦花發無時休亦知守歲餘五日乘暇尙欲重來遊
閑人世上不易有莫嗾狺狺吠客狗懸鐘剝落青莓苔
聾耳待聽蒲牢吼